



SIARAN AKHBAR

S.A. 2021/06/86 (HQ)

TNB SINARI KEHIDUPAN HAMPIR 10,000 ASNAF

- Sumbangan bekalan makanan asas bernilai RM420,000
- Ringankan beban, ceriakan sambutan Ramadhan dan Syawal

Tenaga Nasional Berhad (TNB) telah mengedarkan barangan keperluan asas dan wang saku kepada 9,918 orang asnaf sejak 27 April lalu bagi membantu mereka melalui yang terkesan semasa tempoh Perintah Kawalan Pergerakan (PKP).

Sumbangan barangan berupa beras, gula, telur, biskut, serbuk teh, tepung, kurma, barangan dapur dan lain-lain itu diedarkan menerusi pelbagai program anjuran TNB bagi meringankan beban penerima sepanjang Ramadhan dan Syawal, selain menceriakan sambutan dua bulan yang mulia itu.

Chief Global Business Solutions Officer TNB, Mohamad Ariff Zainol berkata TNB memperuntukkan sejumlah RM420,000 untuk program-program penyerahan bantuan keperluan asas tersebut bagi memenuhi komitmennya sebagai warga korporat yang prihatin.

“Sumbangan kecil kami ini diharap dapat meringankan beban keluarga penerima bantuan dan pada masa yang sama mengeratkan silaturahim kami dengan masyarakat yang memerlukan.

“Berikutan pelaksanaan PKP 3.0, sebahagian bantuan diserahkan secara terus dengan warga kerja kami menyantuni penerima bantuan dengan menyerahkan barangan dari rumah ke rumah, termasuk di kawasan Projek Perumahan Rakyat (PPR).

“Pendekatan ini juga, Insya Allah dapat mengukuhkan amalan sentiasa bersyukur, prihatin dan berkongsi rezeki bersama masyarakat,” katanya.

Selain berkongsi rezeki bersama golongan yang terkesan akibat kekangan PKP 3.0 ketika ini, TNB juga menyokong usaha pelaksanaan program vaksinasi negara dengan memastikan hampir semua warga kerjanya mendaftar untuk vaksinasi serta memastikan bekalan elektrik ke Pusat Pemberian Vaksinasi dan Pusat Simpanan Vaksin berada dalam keadaan baik dan teratur.

Dikeluarkan di Kuala Lumpur pada 15 Jun 2021, jam 10:00 pagi
*Untuk pertanyaan lanjut media, sila hubungi Fitri Majid 013-3626923 /
Grace Tan 016-6626229 / Nasir Aziz 018-9434524
atau emel kami: media@tnb.com.my*



Juruteknik Bahagian Senggaraan Elektrik TNB, Mohd Kairi Mohd Yusoff (kanan) menyerahkan sumbangan Ihya' Ramadhan 1442H kepada 30 buah keluarga di Rumah Pangsa Taman Hijau, Sitiawan, Perak pada 27 April lalu.



Juruteknik Bahagian Senggaraan Elektrik TNB, Mohd Jamil Ramlan (kiri) menyerahkan sumbangan Ihya' Ramadhan 1442H kepada 30 buah keluarga di Rumah Pangsa Taman Hijau, Sitiawan, Perak pada 27 April lalu.



Global Chief Global Business Solutions Officer TNB,
Mohamad Ariff Zainol